

ՀԱՅԿԱԿԱՆ ԽՍՀ ԳԵՐԱԳՈՒՅՆ ԽՈՐՀՐԴԻ Ն Ս Տ Ա Շ Ր Ջ Ա Ն ՈՒ Մ

Դեկտեմբերի 1-ին Երևանի Ստ. Ծախումյանի անվան պատում իր աշխատանքն էր շարունակում Հայկական ԽՍՀ Գերագույն խորհրդի արտահերթ՝ 10-րդ նստաշրջանը:

Դեպուտատները քննարկեցին «Ռեզիդուում իրավիճակի սրման, Հայաստանի ու ԼՂԻՄ-ի շրջափակման վերացման անհետաձգելի միջոցառումների մասին» Հայկական ԽՍՀ Գերագույն խորհրդի 1989 թվականի սեպտեմբերի 17-ի որոշման իրականացման ընթացքի մասին» հարցը, որի վերաբերյալ հաղորդումով հանդես եկավ Հայկական ԽՍՀ Միճիստրների խորհրդի նախագահի տեղակալ, դեպուտատ Յու. Խոջամիրյանը:

Քննարկվող հարցի շուրջը ելույթներով և առաջարկություններով հանդես եկան դեպուտատներ Ռ. Ղազարյանը, Ֆ. Պետրոսյանը, Ռ. Ենգոյանը, Գ. Կարապետյանը, Ա. Մանուչարյանը, Խ. Ստամ-

բույցյանը, ԽՍՀՄ ժողովրդական դեպուտատ Ս. Խանգաղյանը, Օ. Եսայանը՝ Լեռնային Ղարաբաղի Ազգային խորհուրդ և ուրիշներ: Առաջարկվեց քննարկվող հարցի վերաբերյալ լսել Հայկական ԽՍՀ Միճիստրների խորհրդի նախագահի հաղորդումը:

Ինչպես նշվել էր նախորդ հաղորդման մեջ, Լեռնային Ղարաբաղի Ազգային խորհրդի դիմումի կապակցությամբ Գերագույն խորհուրդը ստեղծել էր որոշման նախագիծ կազմող հանձնաժողով: Դեպուտատ Լ. Տեր-Պետրոսյանը հրապարակեց հանձնաժողովի ներկայացրած որոշման նախագիծը: Այդ առթիվ ելույթ ունեցան և իրենց նկատառումները հայտնեցին քանաաստեղ-

ծուհի Ս. Կապուտիկյանը, Ս. Գևորգյանը (ՀՀԾ), դեպուտատ Հ. Ղանդիլյանը և ուրիշներ: Նստաշրջանը միաձայն ընդունեց Հայկական ԽՍՀ Գերագույն խորհրդի և Լեռնային Ղարաբաղի Ազգային խորհրդի համատեղ որոշում՝ Հայկական ԽՍՀ-ի և Լեռնային Ղարաբաղի վերամիավորման մասին:

Նախորդ նիստում ԽՍՀՄ Գերագույն խորհրդում «Լեռնային Ղարաբաղի Ինքնավար Մարզում իրադրությունը նորմալացնելու միջոցառումների մասին» հարցի քննարկման արդյունքների վերաբերյալ Հայկական ԽՍՀ Գերագույն խորհրդի նախագահության նախագահ Հ. Ռսկանյանի հաղորդման կապակցությամբ

կազմվել էր որոշման նախագիծ մշակող հանձնաժողով: Դեկտեմբերի 1-ի նիստում դեպուտատների քննարկմանը ներկայացվեց այդ որոշման նախագիծը, որը հրապարակեց հանձնաժողովի անդամ, ԽՍՀՄ ժողովրդական դեպուտատ Զ. Բալայանը:

Առաջարկություններով հանդես եկան դեպուտատներ Լ. Ղարիբջանյանը, Ս. Մուրադյանը, ԽՍՀՄ ժողովրդական դեպուտատներ Գ. Ենոքյանը, Ռ. Վարդանյանը, Գ. Գալոյանը, պատմաբաններ Լ. Խուրշուդյանը, Վ. Միքայելյանը, Ռ. Պապայանը՝ ՀՀԾ և ուրիշներ:

Ներկայացված նախագիծը որոշ ուղղումներով և լրացումներով ընդունվեց դեպուտատների կողմից:

Նստաշրջանը որոշում ընդունեց նաև Լեռնային Ղարաբաղի վերաբերյալ ԱՄՆ-ի սենատի արտաքին գործերի կոմիտեի քանաձևի առթիվ ԽՍՀՄ արտգործմինիստրության հայտարարության վերաբերյալ:

Այնուհետև նստաշրջանն անցավ օրակարգի 5-րդ հարցի քննարկմանը: Գերագույն խորհրդի նստաշրջանի նախորդ նիստում մի խումբ դեպուտատների առաջարկությամբ մտքերի փոխանակություն չծավալվեց փախստականների տեղավորման հարցի վերաբերյալ Հայաստանի կոմկուսի Կենտկոմի և Հայկական ԽՍՀ Միճիստրների խորհրդի ընդունած որոշումների կատարման ընթացքի և այդ աշ-

խատանքի ուժեղացման լրացուցիչ միջոցառումների մասին զեկուցման շուրջը և որոշվեց այդ հարցին անդրադառնալ փախստականների հանրապետական հավաքից հետո: Հանրապետության կառավարության կողմից արդեն ընդհանրացվել են տեղի ունեցած այդ հավաքում արված բոլոր առաջարկությունները, ընդունվել է համապատասխան որոշում, որը և դրվեց Գերագույն խորհրդի քննարկմանը: Այդ կապակցությամբ հանդես եկավ Հայկական ԽՍՀ Միճիստրների խորհրդի նախագահի առաջին տեղակալ, դեպուտատ Վ. Մովսիսյանը: Քննարկված հարցի վերաբերյալ ընդունվեց Հայկական ԽՍՀ Գերագույն խորհրդի որոշում: Դեկտեմբերի 1-ի երեկոյան նստաշրջանը շարունակում էր աշխատանքը:

(Արմենպրես)